

Përmbajtja

<i>Borxhi i jashtëm bruto</i>	1
<i>Borxhi i jashtëm bruto sipas sektorëve</i>	3
<i>Borxhi i jashtëm bruto sipas instrumenteve</i>	4
<i>Tërheqjet dhe shërbimet e borxhit të jashtëm bruto</i>	5
<i>Shënime metodologjike</i>	6

Kryesore:


- Borxhi i jashtëm bruto vlerësohet në 8,339 milionë euro;
- 77% e vëllimit të borxhit të jashtëm bruto është borxh afat-gjatë;
- Në masën 36% huatë e tërhequra gjatë tremujorit i takojnë Qeverisë së Përgjithshme.

BORXHI I JASHTËM BRUTO

Në fund të muajit qershor të vitit 2019, Borxhi i Jashtëm Bruto (BJB) i Shqipërisë shënon rreth 8,339 milionë euro, në rënie referuar fundit të muajit mars 2019. Gjatë periudhës, stoku i BJB-së u ngushtua me 81.3 milionë euro, ku vlera neto e transaksionit vlerësohet në rreth -65.6 milionë euro, efekti i kursit të këmbimit të valutave kryesore negativ në masën 18.5 milionë euro, si dhe diferencat e rivlerësimit (ndryshime të tjera nga ri-klasifikimi) në nivelin 3 milionë euro.

Ngushtimi i stokut të BJB-së ka qenë kryesisht në drejtim të rënies së tepricës së detyrimeve afatgjata të Qeverisë së Përgjithshme, si dhe në masë më të ulët në rënie e detyrimeve në formën e huave midis kompanive të lidhura në një marrëdhënie investimi direkt.

Borxhi i jashtëm afatgjatë, në fund të periudhës shënon 6,433 milionë euro, në tkurrje 61 milionë euro kundrejt fundit të muajit mars 2019. Zhvillimet në stokun e borxhit të jashtëm afatgjatë i atribuohen ngushtimit të borxhit të jashtëm publik¹ me 70 milionë euro. Borxhi i jashtëm privat u zgjerua me 9 milionë euro, ndërsa borxhi i jashtëm i Bankës Qendrore, - alokimet e SDR nga FMN, nuk shënon lëvizje të konsiderueshme.



Grafik 1: Borxhit të Jashtëm Bruto

	Milionë EURO		
	31 dhjetor 2018	31 mars 2019	30 qershor 2019
Borxhi i jashtëm afatgjatë	6,452	6,495	6,433
Borxhi publik	4,068	4,094	4,023
Borxhi privat	2,328	2,343	2,353
Borxhi i bankës qendrore, nga të cilat	57	58	57
Alokimet SDR nga FMN	57	58	57
Borxhi i jashtëm afatshkurtër	1,901	1,926	1,906
Borxhi i jashtëm bruto	8,353	8,421	8,339

Tabela 1: Borxhit të Jashtëm Bruto

1. Borxhi i jashtëm publik përfshin huamarrjen me jashtë drejtpërdrejt nga Ministria e financave dhe ekonomisë dhe qeveritë lokale, huamarrjen me jashtë të garantuar nga MFE dhe qeveritë lokale, në përputhje me legjislacionin mbi borxhin publik, duke përfshirë huatë e marra nga MFE në përputhje me marrëveshjen e FMN-së, si dhe letrat me vlerë të qeverisë të blera nga jorezidentët - të llogaritur me vlerën nominale.

Monedha evropiane (EUR) është monedha kryesore në emërimin e detyrimeve të Shqipërisë ndaj botës, me rreth 66% të totalit, ndërsa SDR përfaqëson 12% të stokut, në fund të periudhës.

	Borxhi jashtëm	
	Milionë EUR	%
EUR	5,512	66%
USD	803	10%
SDR	1,041	12%
GBP	110	1%
JPY	98	1%
Të tjera	776	9%
Totali	8,339	100%

Tabela 2: Kompozimi sipas monedhave i borxhit të jashtëm bruto

Kreditorët publikë mbajnë pjesën më të madhe (rreth 42%) të tepricës së borxhit jashtëm afatgjatë. Midis kreditorëve privatë, institucionet e huaja të kreditit kanë rritur pjesën e tyre me rreth dy pikë përqindje gjatë gjysmës së parë të vitit 2019. Në të njëjtën kohë, detyrimi afatgjatë mes kompanive të lidhura në një marrëdhënie investimi direkt, ruan një nivel prej rreth 23% të totalit të borxhit të jashtëm afatgjatë.

	31 dhjetor 2018		30 qershor 2019	
	Milionë EUR	%	Milionë EUR	%
Hua nga institucionet financiare ndërkombëtare	2,665	41%	2,693	42%
Investime portofoli të bankave private dhe të qeverisë	559	9%	540	8%
Hua nga banka private dhe institucione të tjera financiare	900	14%	1,040	16%
Të tjera	2,329	36%	2,161	34%
Borxhi i jashtëm afatgjatë	6,452	100%	6,433	100%

Tabela 3: Borxhi i jashtëm afatgjatë sipas kreditorëve

Gjatë gjysmës së parë të vitit 2019, borxhi i jashtëm afatgjatë shënoi një zgjerim në maturitetin 1 deri në 5 vjet dhe një reduktim në maturitetin në më shumë se 5 vjet (Tabela 4). Nga këndvështrimi i maturitetit origjinal, pjesa e borxhit të jashtëm me më shumë se 5 vjet maturim vijon të tejkalojë dukshëm atë të borxhit me maturitet midis 1 dhe 5 vjetësh.

	31 dhjetor 2018		30 qershor 2019	
	Milionë EUR	%	Milionë EUR	%
1-5 vjet	911	14%	1,127	18%
Borxhi publik	351	5%	504	8%
Borxhi privat	559	9%	622	10%
me shume se 5 vjet	5,542	86%	5,306	82%
Borxhi publik	3,773	58%	3,576	56%
Borxhi privat	1,768	27%	1,730	27%
Borxhi i jashtëm afatgjatë	6,452	100%	6,433	100%

Tabela 4: Borxhi i jashtëm afatgjatë sipas maturitetit

Monedha evropiane (EUR) është monedha kryesore në emërimin e detyrimeve të Shqipërisë ndaj botës.



BORXHI I JASHTËM BRUTO SIPAS SEKTORËVE INSTITUCIONALË

Qeveria e Përgjithshme zotëron rreth 45% të totalit të Borxhit të Jashtëm Bruto të Shqipërisë. Pjesa tjetër është e shpërndarë midis Sistemit Bankar (17%), Sektorëve të tjerë (37%) dhe Autoritetit monetar (1%).

Sektori i Qeverisë së Përgjithshme mban peshën kryesore në stokun e BJB-së. Në fund të muajit qershor 2019, detyrimet e Qeverisë së Përgjithshme u vlerësuan në 3,794 milionë euro dhe prezantohen kryesisht si hua afatgjata, obligacione dhe dëftesa.

Referuar fundvitit 2018, borxhi i jashtëm i Qeverisë së Përgjithshme u zvogëlua me rreth 35 milionë euro. Teprica e huave afatgjata u zvogëlua me rreth 16 milionë euro, ndërsa ajo e obligacioneve ra me 19 milionë euro.

Huatë e Qeverisë së Përgjithshme përfaqësohen nga huatë e tërhequra pas viteve '90 dhe ato të riskeduluara, të cilat vazhdojnë të jenë të negociueshme midis palëve. Në fund të periudhës, huatë e riskeduluara përfaqësonin 0.3% të stokut të huave afatgjata të këtij sektori.

Stoku i borxhit të Autoritetit Monetar ose Bankës Qendrore, shënon 57 milionë euro, pa lëvizje të konsiderueshme gjatë gjashtëmujorit të parë të vitit 2019. Detyrimet e Autoritetit Monetar përbëhen vetëm nga alokimet e SDR-së, pasi huatë afatgjata të akorduara nga FMN u shlyen gjatë tremujorit të parë të vitit 2019.

Në fund të qershorit 2019, stoku i borxhit të jashtëm bruto të Sistemit Bankar shënon rreth 1,428 milionë euro dhe prezantohet kryesisht në formën “hua” dhe “monedha e depozita”, respektivisht me rreth 14% dhe 84% të totalit. Gjatë gjashtëmujorit, ky sektor ka rritur detyrimet afatgjata dhe zvogëluar ato afatshkurtra duke mos shënuar lëvizje të konsiderueshme në nivelin e borxhit.

Referuar nivelit të fundvitit 2018, Sektorët e tjerë kanë rritur detyrimet e tyre me jashtë, me rreth 21 milionë euro në nivelin 3,061 milionë euro. Lëvizjet kryesore reflektojnë zgjerim të detyrimeve afatgjata në formën e “kredive tregtare” (16 milionë euro) dhe detyrimeve në formën e huave midis kompanive të lidhura në një marrëdhënie investimi direkt “investime direkte - hua ndërkompani” (11 milionë euro).

Qeveria e Përgjithshme shënon reduktimin më të madh të detyrimeve, gjatë gjashtëmujorit të parë 2019—në formën e “obligacioneve” dhe “huave afatgjata”.

	31 dhjetor 2018		30 qershor 2019	
	Milionë EUR	%	Milionë EUR	%
Qeveria e përgjithshme	3,829	59%	3,794	59%
Autoriteti monetar	57	1%	57	1%
Korporata depozituese përjashtuar bankën qendrore	135	2%	153	2%
Sektorë të tjerë, nga të cilat	2,432	38%	2,429	38%
Korporata jofinanciare	882	14%	852	13%
Korporata jofinanciare në marrëdhënie investimi direkt	1,457	23%	1,461	23%
Borxhi i jashtëm afatgjatë	6,452	100%	6,433	100%

Tabela 5: Borxhi i jashtëm afatgjatë sipas sektorëve institucionalë

	31 dhjetor 2018		30 qershor 2019	
	Milionë EUR	%	Milionë EUR	%
Qeveria e përgjithshme	-	0%	-	0%
Autoriteti monetar	-	0%	-	0%
Korporata depozituese përjashtuar bankën qendrore	1,292	68%	1,275	67%
Sektorë të tjerë, nga të cilat	609	32%	631	33%
Korporata jofinanciare	367	19%	383	20%
Korporata jofinanciare në marrëdhënie investimi direkt	238	12%	244	13%
Borxhi i jashtëm afatshkurtër	1,901	100%	1,906	100%

Tabela 6: Borxhi i jashtëm afatshkurtër sipas sektorëve institucionalë



BORXHI I JASHTËM BRUTO SIPAS INSTRUMENTAVE

Përbërja e borxhit të jashtëm afatgjatë sipas instrumentit (Tabela 7) tregon zgjerim në *huatë* dhe *investimet direkte*, ndërsa *investimet e portofolit*, në formën e letrave me vlerë të borxhit, kanë rënë.

Depozitat e pranuar nga institucionet e kreditit, si mjet financimi afatshkurtër kryesojnë detyrimet afatshkurtra në masën 63% të totalit (Tabela 8). Instrumentet afatshkurtra në formën e *investimeve direkte*, si dhe *kreditë dhe paradhëniet tregtare* zënë përkatësisht 13% dhe 20%.

	31 dhjetor 2018		30 qershor 2019	
	Milionë EUR	%	Milionë EUR	%
Investime direkte	1,457	23%	1,461	23%
Hua	4,069	63%	4,086	64%
Kredi tregtare dhe paradhënie	-	0%	-	0%
Monedha dhe depozita	8	0%	9	0%
Letrat me vlerë të borxhit	841	13%	809	13%
Alokimi i SDR	57	1%	57	1%
Llogari të tjera të pagueshme	21	0%	12	0%
Borxhi i jashtëm afatgjatë	6,452	100%	6,433	100%

Tabela 7: Borxhi i jashtëm afatgjatë sipas instrumenteve

Stoku i borxhit të jashtëm është i përqëndruar në formën e investimeve të tjera - kryesisht hua dhe monedha e depozita.

	31 dhjetor 2018		30 qershor 2019	
	Milionë EUR	%	Milionë EUR	%
Investime direkte	238	12%	244	13%
Hua	66	3%	80	4%
Kredi tregtare dhe paradhënie	367	19%	383	20%
Monedha dhe depozita	1,214	64%	1,196	63%
Letrat me vlerë të borxhit	-	0%	-	0%
Alokimi i SDR	-	0%	-	0%
Llogari të tjera të pagueshme	16	1%	4	0%
Borxhi i jashtëm afatshkurtër	1,901	100%	1,906	100%

Tabela 8: Borxhi i jashtëm afatshkurtër sipas instrumenteve



TERHEQJET DHE SHËRBIMI I BORXHIT TË JASHTËM BRUTO

Totali i tërheqjeve ose fluksi i borxhit të ri (huave) gjatë periudhës shënon 127 milionë euro (Tabela 9). Tërheqjet e sektorit publik shënojnë 48 milionë euro dhe ato të sektorit privat 79 milionë euro. Detyrime të reja të borxhit të Qeverisë së Përgjithshme përfaqësojnë në masën 36% totalin e tërheqjeve gjatë periudhës.

Shërbimi i borxhit të jashtëm (pagesat e principalit dhe të interesit) për tremujorin e parë 2019, shënon 135 milionë euro. Nga këto, rreth 88 milionë euro janë pagesa të Qeverisë së Përgjithshme, 26 milionë euro të Sektorëve të tjerë dhe 21 milionë euro të Sistemit Bankar.


Në masën 89%, shërbimi i borxhit ka qenë për shlyerje të kryegjësë (principalit) dhe në 11% për shlyerjen e interesave.

Qeveria e Përgjithshme mban peshën kryesore në shlyerjet e principalit me rreth 77 milionë euro ose 64% të vlerës së përgjithshme të principalit, si dhe në shlyerjen e pagesave të interesit për periudhën, me rreth 12 milionë euro ose 79% të vlerës së përgjithshme të interesave të paguara nga ekonomia.

	Milionë Euro			
	T3/2018	T4/2018	T1/2019	T2/2019
1. Sektori publik				
Tërheqje	55	50	39	48
Pagesa principalit	44	70	40	82
Pagesa interesi	16	18	21	12
2. Sektori privat				
Tërheqje	32	42	38	79
Pagesa principalit	105	32	26	39
Pagesa interesi	3	3	2	2
Gjithsej (Ekonomia)				
Tërheqje	87	92	77	127
Pagesa principalit	148	102	66	121
Pagesa interesi	18	20	23	15

Qeveria e Përgjithshme mban peshën kryesore në shlyerjen e pagesave të principalit dhe të pagesave të interesit.

Tabela 9: Tërheqjet dhe shërbimi i borxhit nga sektori publik dhe sektori privat



Grafik 2: Shërbimi i borxhit të jashtëm bruto ndaj eksportit të mallrave dhe shërbimeve



SHËNIME SHPJEGUESE

<p>Hyrje</p>	<p>Të dhënat e paraqitura i përkasin stokut të fundit të periudhës të detyrimeve të huaja financiare të ekonomisë shqiptare. Të dhënat janë kompiluar në bazë bruto: d.m.th ato nuk iu përkasin zotërimeve të rezidentëve të Shqipërisë në mjete të huaja, gjë që është thelbësore. Ashtu si statistikave të Bilancit të Pagesave dhe Pozicionit të Investimeve Ndërkombëtare dhe statistikave të Borxhit të Jashtëm bëjnë dallimin ndërmjet investimeve direkte, investimeve të portofolit dhe investimeve të tjera dhe përsërisin në një detajim më të gjërë anën e detyrimeve të paraqitjes vjetore të PIN-t. Si e tillë, tabela e Borxhit të Jashtëm identifikon atë element të bilancit të agreguar të Shqipërisë që tregon detyrimet financiare bruto (detyrimet) të rezidentëve të Shqipërisë ndaj jo-rezidentëve me përjashtim të titujve të kapitalit dhe derivativëve. Shifrat prezantohen në mënyrë që të kenë qëndrueshmëri me formatet e prezantimit ndërkombëtar. Informacioni është bërë i disponueshëm për Fondin Monetar Ndërkombëtar dhe Bankën Botërore (https://data.worldbank.org/country/albania?view=chart).</p>
<p>Standarte Statistike Ndërkombëtare</p>	<p>Statistikat e Borxhit të Jashtëm janë kompiluar në përputhje me standardet ndërkombëtare, të përshkruara në “Manuali i Statistikave të Bilancit të Pagesave dhe Pozicionit të Investimeve Ndërkombëtare, Edicioni i Gjashtë” (FMN) dhe me udhëzuesin për kompilues e përdorues “Statistikat e Borxhit të Jashtëm” (FMN). Ndjekja e këtyre standardeve siguron pajtueshmëri të të dhënave nga njëra anë dhe nga ana tjetër, konsistencë midis statistikave të borxhit e atyre të bilancit të pagesave dhe pozicionit të investimeve ndërkombëtare. Të dhënat mbi borxhin e jashtëm bruto janë një burim i rëndësishëm informacioni për zëra të caktuar të këtyre statistikave (shiko më poshtë përkufizimin e <i>borxhit të jashtëm</i>).</p>
<p>Përkufizimi i Borxhit të Jashtëm</p>	<p>Guida e Borxhit të Jashtëm të FMN-së e përkufizon borxhin e jashtëm si një pikë në kohë në pasqyrën financiare të vlerës dhe përbërjes së stokut të detyrimeve financiare bruto të një ekonomie ndaj pjesës tjetër të botës. Detyrimet të cilave ju referohemi mbulojnë kreditë e marra nga jo-rezidentët, llogaritë dhe depozitat e jo-rezidentëve, kreditë tregtare që duhet tu paguajmë jo-rezidentëve si dhe detyrime të tjera ndaj tyre. Në thelb, borxhi i jashtëm iu referohet detyrimeve financiare ndaj jo-rezidentëve dhe jo atyre që rezultojnë nga transaksionet në kapital ose nga kontratat e derivativëve financiarë.</p>
<p>Rezidenca</p>	<p>Termi <i>rezident</i> iu dedikohet (a) individëve, përfshirë dhe atyre me kombësi të huaj, që jetojnë në Shqipëri për të paktën një vit ashtu si dhe stafit të ambasadës shqiptare dhe stafit ushtarak të vendosur jashtë, (b) trupave qeveritare shqiptare të vendosura jashtë (ambasadave, konsullatave, etj), dhe (c) korporatave që kanë në Shqipëri qendrën e interesit ekonomik, përfshirë dhe degë të kompanive të huaja të regjistruara. Gjithashtu përfshihen edhe sipërmarrjet me pronësi të huaj të vendosura në Shqipëri dhe të angazhuara në aktivitete të shërbimeve financiare të tregtuara në arenën ndërkombëtare.</p> <p><i>Jorezidentë</i> të një ekonomie përkufizohen njësitë institucionale që nuk janë rezidentë të asaj ekonomie.</p>
<p>Tipet e Instrumentave Financiarë të Rëndësishëm për Borxhin e Jashtëm</p>	<p><i>Kapitali</i>: ndërkohë që, detyrimet e lindura nga pjesëmarrja me fuqi votuese në kapital (përfshirë këtu detyrimet që lindin nga emetimi i pjesëmarrjeve në institucione kolektive investimi) përjashtohen nga statistikave të borxhit të jashtëm, detyrimet që lindin si pasojë e emetimit të aksioneve preferenciale jo-pjesëmarrëse përfshihen dhe trajtohen si tituj borxhi nën zërin (afatgjatë) <i>obligacione dhe tituj</i>.</p> <p><i>Obligacionet dhe titujt</i> e emetuar nga kompanitë ose qeveria janë tituj borxhi të tregtueshëm që kanë një maturitet fillestar prej më shumë se një vit, i cili, zakonisht, i jep mbajtësit (i) të drejtën e pakushtëzuar të një e ardhur monetare fikse ose të një e ardhur variable të përcaktuar kontraktualisht dhe (ii) të drejtën e pakushtëzuar të një shumë fikse në pagesat e principalit në një datë ose data specifike.</p> <p><i>Instrumentet e tregut të parasë</i> janë tituj borxhi të emetuar me një maturitet fillestar prej një viti ose më pak. Ata i japin mbajtësit të drejtën e pakushtëzuar për të marrë një shumë parash të deklaruar dhe fikse në një datë specifike. Këta instrumenta janë, përgjithësisht të tregtueshëm me skonto në tregje të organizuara. Skontoja është e varur nga norma e interesit të instrumentit të lidhur me normën e interesit të tregut dhe kohën e mbetur deri në maturim. Shembuj të instrumenteve të tillë janë: bonot e thesarit, letrat tregtare dhe financiare dhe pranimet bankare.</p>

	<p><i>Kreditë tregtare</i> (të pagueshme) janë detyrime që lindin nga zgjerimi direkt i kredisë i lidhur me transaksione në mallra dhe shërbime dhe pagesa në avancë për punën në progres (ose që duhet ndërmarrë).</p> <p><i>Huatë/monedhat dhe depozitat</i> përfshijnë huatë, depozitat dhe monedhat (si p.sh, kart-monedhat dhe monedhat që janë në qarkullim dhe të përdorura gjerësisht për të kryer pagesa). Të përfshira janë huatë për të financuar tregtinë, hua të tjera dhe paradhënie (përfshirë dhe kredinë për shtëpi) ashtu si dhe lizingu financiar.</p> <p>Stoku i detyrimeve i gjithë instrumenteve të tjerë financiarë (ndryshe nga kapitale jo-pjesëmarrëse - pa fuqi votuese, tituj të borxhit, kredi tregtare, hua, monedha dhe depozitave), të tillë si kapitali i nënshkruar për pjesëmarrje nga Shtete Anëtare në organizatat ndërkombëtare jo-monetare, ndryshimet në rezervat teknike të sigurimit, kompensimet për sa iu përket transaksioneve të titujve të papaguar, përfshihen në <i>detyrime të tjera</i> brenda borxhit të jashtëm.</p>
<p>Mbledhja e të dhënave</p>	<p>Burim informacioni për statistikën e Borxhit të Jashtëm janë: Banka e Shqipërisë, Ministria e Financave, Organizata e Institucione të tjera Ndërkombëtare si dhe sistemi bankat pjesë e Sistemit të Unifikuar të Raportimit në Bankën e Shqipërisë.</p>
<p>Vlerësimi</p>	<p>Stoku i detyrimeve është regjistruar në vlerë nominale dhe jo në vlerë tregu dhe Borxhi i Jashtëm Bruto i Shqipërisë është kompiluar në lekë dhe raportuar në euro. Për stokun e detyrimeve në monedha të tjera, konvertimi bëhet me kursin zyrtar të këmbimit të datës së fundit të periudhës së raportimit. Efekti i ndryshimit të kurseve të këmbimit është përfshirë në vlerësimin e stokut të detyrimeve. Instrumentet përkatës përfshijnë dhe interesat e përlogaritur në vlerën e stokut të tyre.</p>
<p>Paraqitja e tabelës</p>	<p>Paraqitja e të dhënave të borxhit të jashtëm së pari dallon sektorët institucionalë:</p> <p><i>Qeveria e Përgjithshme</i> – mbulon qeverinë qendrore</p> <p><i>Autoriteti Monetar</i> – është Banka Qendrore e Shqipërisë</p> <p><i>Korporatat depozituese me përjashtim të Bankës Qendrore</i> – janë bankat e licensuara</p> <p><i>Sektorët e Tjerë</i> – janë të gjitha korporatat e tjera dhe si dhe ekonomitë shtëpiake. Të përfshira këtu janë: kompanitë e sigurimeve dhe fondet e pensionit, fondet e investimit, shoqëritë e kursim kreditit, tregtarët e titujve, ashtu si dhe kompanitë e shërbimeve jo-financiare dhe të prodhimit dhe sipërmarrje të tjera industriale.</p> <p>Kategoria e <i>investimeve direkte</i> dallohet, gjithashtu, në këtë nivel. <i>Investimi direkt</i> është një kategori e investimit ndërkombëtar që, bazuar në një pronësi kapitali në të paktën 10%, reflekton një interes të qëndrueshëm të një rezidenti në një ekonomi (investitori direkt) në një sipërmarrje rezidente në një ekonomi tjetër (kompania e investimit direkt). <i>Detyrimet e borxhit ndaj sipërmarrjeve të lidhura dhe detyrimet e borxhit ndaj investitoreve direkte</i> mbulojnë të gjitha detyrimet e borxhit (siç janë përcaktuar më sipër) të kompanive rezidente ndaj mëmave të tyre të huaja, degëve ose sipërmarrjeve të tjera të lidhura jashtë.</p> <p>Brenda sektorëve klasifikimet jepen sipas:</p> <p><i>maturitetit - afat-shkurtër</i>: në rastet e një maturimi origjinal një vit ose më pak;</p> <p><i>afat-gjatë</i>: për një maturim origjinal më shumë se një vit; dhe sipas,</p> <p><i>instrumentit financiar</i>: monedha dhe depozita, <i>tituj borxhi, kredi tregtare (të pagueshme), detyrime të tjera borxhi dhe alokimet në SDR.</i></p>

**DEPARTAMENTI I
STATISTIKAVE
FINANCIARE**

Sheshi "Skënderbej", nr. 1, Tiranë

Tel: + 355 4 241 93 01
+ 355 4 241 93 02
+ 355 4 241 93 03
+ 355 4 241 94 09
+ 355 4 241 94 10
+ 355 4 241 94 11

Fax: + 355 4 241 94 08
Email: statistics@bankofalbania.org



Shënime:

Banka e Shqipërisë rezervon të drejtën për të bërë rishikimin e statistikave të publikuara. Në rastin e rishikimeve që sjellin ndryshime të treguesve, Banka e Shqipërisë njihë përdoruesit me faktorët e rishikimit dhe ndikimin përkatës.

Gjatë periudhës kanë ndodhur ndryshime në stokun e borxhit të jashtëm bruto si pasojë e rishikimeve.

Sektorët e rishikuar janë ai i Qeverisë së Përgjithshme dhe i Sektorëve të Tjerë, si pasojë e plotësimit të informacionit me të dhëna të përditësuara.

Është rishikuar seria kohore T1/2018-T1/2019, për më shumë informacion referojuni të dhënave në linkun:

*[https://www.bankofalbania.org/Statistikat/Statistikat_e_Sektorit_te_Jashtem/
Borxhi_i_Jashtem_Bruto/Borxhi_i_Jashtem_Bruto.html](https://www.bankofalbania.org/Statistikat/Statistikat_e_Sektorit_te_Jashtem/Borxhi_i_Jashtem_Bruto/Borxhi_i_Jashtem_Bruto.html)*